

Téerëe bíníyú unna won Pool Filemoo ra Kúnsëe

Yee daa unna bíní Pool Filemoo ra. Di fi Filemoo húmú yíkëe alal te húmú lahte i ñaam faami. Di baahi bëewí yaa bín fë, ñaammi wa daa súrgë yée ké yen woteh. Pool waarete ri Uni Neba, dī haalte ngémë ní dī yeelte hen kooji Pool.

Húmú lahte ow di ñaammi Filemoo hínú Onesime, fússé hegohte. Bani Pool yúhëntúu homi Pool kasaa, dī haalte ngémë.

Jamanii baaha, ñaam fús hegoh ní habaatu raa, tíkúu daani misikke ní misik te húl sah na dam na.

Pool yeñ Onesime Filemoo na, bíníté unni yeh tíkké ya'i, komaalohi wa Filemoo. Filiḅ unna, Pool d'agidte Filemoo, baalidte Onesime Filemoo na, wonte ri biti dī haba' ri koy-yaafi.

Bëyí fí jañi téeríi bee bééḅ ay yúh biti bëewë gémú Yéésú-Kiristaa na ra bééḅ, wa i koy-yaay.

Wodohi Pool Filemoo

¹ Do fi Filemoo kooji fun, dō fa bok a fun légéy rë, so' mi Pool, so' fa téyú kasu ndah Yéésú-Kiristaa ra, funi Timoote koy-yaafi yen filib ngémë, fun na woduu ro.

² Fun na woduu Apiyaa* koy-yaafi yen filib ngémë bal, a Arkipe fa yeni boku haa'a ra, a bëy ilí jaŋaa na tee'uu faamu ra.

³ Baap-Koo a Yéésú-Kiristaa Yíkëe líhún rën mal, on ðon jaamma !

Yee ðagid Pool Filemoo ra

⁴ Filemoo, wahtii ðagaa mi níi nuf so' pay ðoo na rek, faraah mi sím Koope fi yen,

⁵ ndah mi kelohte ðee gémë' a ðee faha' fu Yéésú-Kiristaa Yíkëe te lahidte bëewí Koope béeb njiriñ ra.

⁶ So' nék, yee na ðaŋ mi ra daa ri bitih, ngémë boku yen baa ra lah njiriñ, nda fu yúh níi lan iñi wanna béeb lahu yen gémë gémú yen Yéésú-Kiristaa na ra, ði lah ndam.

⁷ Do fi koy-yaaso', faha'a faha' fu bëewí Koope ra, onte wa doole, sosilte keeñ so', yëellídté rí.

Layidi Pool Onesime

⁸ Daaha, Kiristaa onte so' sañ-sañi túuyëe mí rë yee nay fuu page ra sah ndaa,

⁹ yee nay mi roo ðage bee ra nék, mi fahaay biti mi túuyë rë rí túuyë. Fu pagaa ri biti fu faha' so' fahoo daa génël sè'. So' mi Pool, so' fa faan so' maan bee ra, baatte biti mi téyúté kasu abee ndah Yéésú-Kiristaa ra, daa mi na ðaŋ ðo.

¹⁰ Yee nay mi roo ðage ra nék, mi ðagid ði Onesime fa hen koy soo na, mi hente baap ðii na filib ngémë di kasaa hom mi bee ra.

¹¹ Débëenë, ði lahray ro njiriñ ndaa leegi ði lahidte yen béeb ana njiriñ†.

* **1:2 1.2** *Apiyaa* :Di ow beleb. † **1:11 1.11** *Onesime* : daa ri « lahte njiriñ » di gerek.

12 Kon, mee roo rii nimilid̄ d̄a te lah yúhé biti daa ri keeñ so'.

13 Mi yef ri soo na dee koon daa gén̄el s̄e' nda ri légyíid̄ s̄e' iña nay fu soo légyíiré koon homi so' filiḅ kasaa bee ndah Uni Neba ra,

14 ndaa mi fahaay paṅ dara te fu ñéeréeh n̄e. Mi fahaay gangalu paṅi yii wuni bah, mi faha' biti fu núh̄ee rí keeñu.

15 M̄in hena d̄ah, taka' ee ke doni Onesime baa wad̄ waro, nda maañeh f̄ii fu liilaat d̄i faw.

16 Leegi, d̄i henlay ñaam kep, d̄i gén̄ ñaam fap, d̄i koy-yaay, bi fahuute níi faha'. So' mi bee dé', mi faha'te ri níi faha', ndaa d̄o fu wad̄tee rii faha' faha'i luk bi funi af biti d̄i súrgúu, te ri koy-yaafu filiḅ ngem̄e.

17 Yaha biti fu hampe ñéer̄é'í yen raa nék, lah habee ri ti biti fu ham so' nen.

18 Yaha biti d̄i tooñ ro tooño mbée d̄i lahid̄ d̄o kabut, pegoh so' wa.

19 So' mi Pool daa mi na b̄iní a ya' so' ee bitih : « So' mi beh, daa mi nay roo yín̄lé. » So' nék, mi fahaay roo won biti d̄o bal, fu lahid̄te so' kabut te kabut ka, d̄i pesu, d̄o fi bah.

20 Ahan̄kay, d̄o fi koy-yaaso', pagid̄ so' yii baa ndah Yík̄ee, fu ȳeellid̄ keeñ so' ndah nona nonu yen Kiristaa na ra.

21 W̄eerté s̄e' biti iña b̄iní mi ro yee ra, fay waa paṅ níi fu baat na kay sah.

22 Lah saamid̄ so' tígí homa mi bal ndah mi yaakaarte bitih d̄añi ron tahte leegi mi nimiliru ron.

²³ Epafaraas fa funi homu kasaa ndah Yéésú-Kiristaa ra na wodoh ro,

²⁴ ɓani Marka a Aristarka a Demaas a Lúkkë, yee funi wa boku légyë rë.

²⁵ Yéésú-Kiristaa Yíkëe lîhë rën mal !

Séréel Ndút: Unni Koope

Ndut: Séréel Ndút: Unni Koope (New Testament+)

copyright © 2020 Wycliffe Bible Translators, Inc.

Language: (Ndut)

Contributor: Wycliffe Bible Translators, Inc.

All rights reserved.

2020-11-20

PDF generated using Haiola and XeLaTeX on 28 Dec 2024 from source files dated 29 Jan 2022

a3a1238b-9393-5875-a4c5-1d3f38537bfe